

## ՆԻԿՈՂԱՅՈՍ ԱՂՈՆՅԸ ԵՎ ՈՒՐԱՐՏԱԳԻՏՈՒԹՅՈՒՆԸ

Պատմ. գիտ. դոկտոր Ն. Վ. ՀԱՐՈՒԹՅՈՒՆՅԱՆ

Կյանքի վերջին շրջանում բազմավաստակ հայագետը զբաղվել է նաև Ուրարտուի պատմության ուսումնասիրությամբ: Նրա այդ հետազոտության արդյունքները ունեղ են գտել Ֆրանսերեն լեզվով Փարիզում հետազոտ հրատարակված «Հայաստանի պատմությունը»<sup>1</sup> կապիտալ աշխատության մեջ: Ն. Աղոնյը հիմնականում անդրադարձել է Ուրարտուի ռազմաքաղաքական պատմությանը, որի ֆոնի վրա հատուկ ուշադրություն է նվիրել այնպիսի աշխատատար ու րարդ թեմատիկայի, ինչպիսին տոպոնիմիկան է:

Ձյուլի հետաքրքրություն է ներկայացնում, օրինակ, քարե սալերի վրա Կալխուում հայտնաբերված Բիդլաթայասար III-ի արձանագրության մի շարք բնակատեղիների՝ Նիկոդայոս Աղոնյի կողմից առաջարկված համադրությունը ներկայիս համանուն բնակատեղիների հետ: Այսպես, սեպագիր պարաշրջանի Կիլիսաս, իսկ համադրում է Քիլսի, Իզդեղան՝ Ազդիների հետ, որոնք եղել են էնդիտե (պատմական Անձիտ) երկրում և հիմա գտնվում են Արևմտյան Հայաստանի Սիլվանի կաղալում: Նույնը պետք է ասել այս կաղալում գտնվող Սարգարեի մասին, որը սեպագրերում հիշված է եղել Նալ լեռան մոտ, Ուլլուրա<sup>2</sup> երկրում, և որի անվան նախատիպը Աղոնյը համարում է Սարգարեին: Իսկ հիշյալ արձանագրության Բիսիան, որը համարվել է ուրարտական ամրոց Նալ լեռան հետևում, Ն. Աղոնյը նույնացնում է այժմյան Սյերդի շրջանի Իհիլի հետ: Այդ համադրություններին լիովին համապատասխանում են նաև էնդիտե երկրի է. Ֆոռերի առաջարկած Դիուաբլի—Դիլլի և Արրիսսա—Ֆիս<sup>3</sup> նույնացումները, որոնք գտնվում են այժմյան հունիի մոտերքում:

Ինչպես երևում է բերված փաստերից, սեպագիր դարաշրջանի էնդիտե-էնդաուան տեղադրման տեսանկյունից մասամբ է համընկնում միջնադարյան հայկական Անձիտին: Այլ կերպ ասած, էնդիտե-էնդաուայի հարավ-արևելյան սահմանները, ի տարբերություն պատմական Անձիտի, Բիդլաթայասար III-ի օրոք, այսինքն՝ մ. թ. ա. VIII դարի երկրորդ կեսին, ձգվել են բնագավառի մինչև այժմյան Սիլվանի և Սյերդի շրջանները:

Իրավայի է պրոֆ. Աղոնյը նաև այն ղեկավարում, երբ չափազանց սուղ փաստերի հիման վրա ժամանակին ենթադրել է, որ Մենուա թագավորի օրոք Այդինին բնադրվել է Բիլլիսի նահանգը, որտեղից այդ անունը տարածվել է Բաթմանից արևելք բնկած ամրոց տերիտորիայի վրա<sup>4</sup>: Նրա այդ սրամիտ կանխատեսումը հետագայում հաստատվեց նորագույն փաստերով: Պարզվում է, որ Մենուայի նորահայտ մի արձանագրության համաձայն, Այդինի արևելյան սահմանները իսկապես հասել են մինչև Վանա լճի հարավ-

<sup>1</sup> Nicolas Adontz. Histoire d'Arménie. Paris, 1947 (այսուհետև՝ HA):

<sup>2</sup> Նալ լեռան տակ ենթադրվում է Հայկական Տավրոսի արևմտյան մասը, իսկ Ուլլուրան այսօրվա հուլյան (նորագույն բարեկարգում՝ Կուլայ կամ Պասուր):

<sup>3</sup> N. Adontz. HA, p. 93—94, et ann. 2.

<sup>4</sup> E. Forrer. Provinzeinteilung des assyrischen Reiches. Leipzig, 1920 (այսուհետև՝ PAR), S. 85.

<sup>5</sup> N. Adontz. HA, p. 198.

արևմտյան անկյան մոտ ընկած Կուտումե բնակատեղին, Բիթլիսից մի փոքր հյուսիս-արևելք:

Զարմանալի իրողություն է, երբ մի դեպքում ուրարտական արձանագրության մեջ հիշատակված Կուտումեն հանդես է գալիս որպես Ալդինի բնակատեղի, իսկ մյուս դեպքում՝ Թովմա Արծրունու պատմության մեջ համանուն Կոտումը (այժմյան Կոտումը) Աղձնիքի բնակատեղին է<sup>6</sup>: Բերված փաստերին պետք է ավելացնել, որ մ. թ. ա. IX դարի ասորեստանյան թագավոր Սալմանասար III-ի արձանագրությունների համաձայն, ինչ-որ չափով համընկնում են նաև Ալդին և էնզիտեն ընդհանրապես, եթե նկատի ունենանք, որ նրանցում միևնույն լեռնանցքը հանդես է գալիս մերթ Ալդի, մերթ էլ էնզիտեն անվամբ<sup>7</sup>:

Մյուս կողմից, Ն. Առոնցի ուշադրությունը դրավել է ասորեստանյան սեպագրի Աշշուրիկիշա («Աշշուրը նվիրել է») քաղաքը, որը մ. թ. ա. VIII դարում կառուցել է Թիգլաթպալասար III-ը Ուլուբա երկրում<sup>8</sup>, այժմյան Խուլպ-Կուլպի շրջանում, Վանա լճից արևմուտք: Նա իրավամբ Աշշուրիկիշան նույնացրել է «Աշխարհացոյց»-ի Քիշի<sup>9</sup> հետ, որը պատմական Աղձնիքի քաղաքներից է, Քղիմարի հետ միասին<sup>10</sup>, իսկ վերջինս ասորեստանյան և ուրարտական արձանագրությունների Կուլլիմմերի-Կուլմերին է, բուզանդական Խլոմարոնը, Սիլվանից հարավ-արևելք<sup>11</sup>, մ. թ. ա. IX դարի ասորեստանյան թագավոր Սալմանասար III-ի արձանագրություններում Սուգունիան համարվում է ուրարտական թագավոր Արամեի քաղաքը, որը գտնվել է Խուբուշկիա երկրի (Բոխտանի հովտում, նրա աջափնյա հատվածում) և Նաիրիի ծովի (Վանա լճի) միջև<sup>12</sup>:

Ելնելով այդ փաստերից, կարծում ենք միանգամայն իրավացի է Ն. Առոնցը, երբ գրում է. «Սուգունիան անշուշտ Ուրարտուի սահմանների վրա եղած պահակակետերից մեկն է, հավանաբար, Մեծ Աղրակի մուտքի մոտ: Երկու Աղբակները միմյանցից բաժանված են մի լեռնաշղթայով, որը բարձրանում է Ջուլամերկի վերևում: Այդ լեռնաշղթան ունի մի անցում, որի երկու կողմերում՝ մուտքի և ելքի մոտերքում, գտնվում են երկու դուռ՝ Սիկիանիս և Սուկան անուններով: Այստեղ Սուգունիայի հիշատակը տեսնելը դժվար է»<sup>13</sup>, Ի դեպ պրոֆ. Ն. Առոնցի դրածին ըստ ամենայնի ներդաշնակ են 10-վերստանոց քարտեղի վրա առկա Սակունիս և Սյուկունիս բնակատեղիները՝ Ջուլամերկի և Բաշկալեի միջև, Ջուլամերկից Բոխտան տանող ճանապարհին, վերջինիս ակունքների մոտ<sup>14</sup>:

Փաստական նյութի սղության պատճառով Ուրարտուի տուպոնիմիկայում զույգի դժվարություն է հարուցել սեպագիր աղբյուրների Խարդա քաղաքի տեղաբերումը: Ասորեստանյան թագավոր Սարգոն II-ի ժամանակվա հետախույզական նամակներից սոսկ հայտնի է, որ ուրարտացիները մ. թ. ա. VIII դարում պահակային ծառայություն են կրել Խարդայում: Բնակատեղիի տեղանկարագի, ընդհուպ մինչև Տուրուշպա, հետախույզները դասավորված են

<sup>6</sup> Н. В. Арутюнян. Топоимика Урарту. Ереван, 1985 (այսուհետև՝ ТУ), с. 19, 125.

<sup>7</sup> И. М. Дьяконов. Ассирио-вавилонские источники по истории Урарту (այսուհետև՝ АВВИУ), § 27 (II. 63), § 28(35); տե՛ս Вестник древней истории, М., 1951, №№ 2, 3, 4.

<sup>8</sup> P. Rost. Kellschrifttexte Tiglat-Pileasers III. Bd. I, Leipzig, 1893, S. 46—47, Z. 28—29, S. 52—53, Z. 43—44.

<sup>9</sup> Ս. Ս. Երևմյան. Հայաստանը ըստ «Աշխարհացոյց»-ի. Երևան, 1963, էջ 114:

<sup>10</sup> N. Adontz. HA, p. 198 et ann. 1.

<sup>11</sup> Н. В. Арутюнян. ТУ, с. 117—118.

<sup>12</sup> И. М. Дьяконов. АВВИУ, § 27 (I, 23), § 29.

<sup>13</sup> N. Adontz. HA, p. 75 et ann. 1.

<sup>14</sup> Н. В. Арутюнян. ТУ, с. 171—172.

և ղեկ ուղղման կարգով: Այդ նույն նամակում, այնուհետև, հիշատակված է ինչ-որ իտուացի պալատականների վերադարձը Եփրատից, ինչպես նաև պահակային ծառայություն կրելը Շուրուբեում<sup>15</sup>:

Բերված փաստերից ինքնին երևում է, որ Տուրուշպան նույն Տուշպան է (պատմական Տոսպր)՝ Ուրարտուի մայրաքաղաքը: Իսկ եթե Շուրուբեի տակ ենթադրենք Շուպրիա երկիրը լեռնային Սասունում, ապա վերահիշյալ հարկա քաղաքը ըստ երևույթին պետք է որոնել Տուշպայի, Եփրատի և Սասունի միջև:

Նյնիկով ասվածից, կարծում ենք, բավական ճշմարտանման է թվում ն. Ադոնցի մտահղացումը այն մասին, որ սեպագիր դարաշրջանի հարգայի տակ պետք է ենթադրել հարդ-բերդը (հար-բերդ) և նույնացնել այն ներկայիս հարբերդի կամ հարպուտի հետ՝ Արածանիի ստորին հոսանքում, էլյադիդից մի փոքր հյուսիս-արևելք<sup>16</sup>:

Այնուհետև բավական համոզիչ է վերին Եփրատի հոսանքում, Մելիտևա (այժմյան Մայաթիա) երկրի մի շարք քաղաք-ամրոցների ն. Ադոնցի կողմից առաջարկված համադրությունը անտիկ և հին հայկական աղբյուրների համապատասխան տվյալների հետ<sup>17</sup>: Այսպես, Թումնիշկին նրա կարծիքով Եփրատի ձախ ափին դտիվոդ անտիկ Թումիսան է, հին հայկական Թմնիսը (այժմյան Իդոդլուն), որը լավ հայտնի է Մոփքի թագավորության պատմությունից: Գասուրախին անտիկ աղբյուրների Կլիմա Գարինեսն է, հին հայկական Գավրերը, Չորրորդ Հայքի դավառներից մեկը Արածանիի գետաբերանի մոտ: Իսկ Կարնիշին հիշեցնում է Պետինդերյան քաղաքի Կոռնեն<sup>18</sup>, որը հոռմեական մի կայան էր Մայաթիայից հարավ-արևելք, Եփրատի աջ ափին, Կլաուդիայում<sup>19</sup>:

Անդրադատնալով վանա լճից հարավ ընկած սեպագիր դարաշրջանի աշխարհագրական միավորներին, Ադոնցի ուղադրության առարկան է դարձել Տումուրբուն: Ասորեստանյան թագավոր Սինախերիբի (մ. թ. ա. 705—681 թթ.) արձանագրությունների տվյալներով դա բնակատեղի է, որը, Կիբշուի հետ միասին, ընկած է Եզլի նիբուր (այժմյան Զուդի-դադ) լեռան վրա<sup>20</sup>, Ի դեպ, Կիբշուն մասնագիտական դրականության մեջ սովորաբար նույնացվում է այժմյան Գեֆշի հետ, Զախույից 14 կմ հյուսիս-արևելք, Արևելյան հարբերդի ավազանում<sup>21</sup>:

Տեղադրման և տեղանունների հիշյունական համապատասխանության տեսանկյունից, միանգամայն իրավացի է ն. Ադոնցը, երբ ասորեստանյան սեպագրերի Տումուրբուն նույնացնում է հայ պատմագիրների Տմորիբի հետ<sup>22</sup>, որը միջնադարում դրադեցրել է Արևելյան հարբերդի ամբողջ ավազանը՝ վերին, Միջին և ներքին Կորդիք դավառներով<sup>23</sup>:

Արդարացի է ն. Ադոնցը նաև այն դեպքում, երբ ասորեստանյան սեպագրերի Գիլգան երկիրը<sup>24</sup>, որն ընկած է Եզլի Ուրմիա լճի արևմտյան ափին, նույնացնում է Կուրիճանի<sup>25</sup> հետ, որը Պարսկահայք նահանգի առաջին դավառն է՝ նաղլու-շայ գետի հովտում<sup>26</sup>:

<sup>15</sup> И. М. Дьяконов. АВИНУ, § 50 (34, 35).

<sup>16</sup> N. Adontz. HA, p. 120.

<sup>17</sup> Մելիտևա երկրի քաղաք-ամրոցների մասին տե՛ս Г. А. Мелникшвили. Урартекские клинообразные надписи. М., 1960 (այսուհետև՝ УКИ), с. 306—307, № 158.

<sup>18</sup> N. Adontz. HA, p. 199.

<sup>19</sup> Կլաուդիայի տեղադրման մասին տե՛ս Ս. Ս. Երեմյան. Նշվ. աշխ., էջ 59:

<sup>20</sup> И. М. Дьяконов. АВИНУ, §§ 57, 58.

<sup>21</sup> E. Forrer. PAR, S. 37.

<sup>22</sup> N. Adontz. HA, p. 122.

<sup>23</sup> Ս. Ս. Երեմյան. Նշվ. աշխ., էջ 86:

<sup>24</sup> Գիլգանի աղբյուրների և տեղադրման մասին տե՛ս Н. В. Арутюнян. ТУ, с. 64—65.

<sup>25</sup> N. Adontz. HA, p. 106 et ann. 1.

<sup>26</sup> Ս. Ս. Երեմյան. Նշվ. աշխ., էջ 35:

Մանալի թագավորության Ուրմիա լճից հարավ ընկած բնակատեղիների տեղագրման մեջ որոշակի հետաքրքրություն են ներկայացնում Ն. Ադոնցի առաջարկած Իզիրտու-Բերդիզոր և Սինիսինի-Սիմախ համադրությունները<sup>27</sup>։ Մանալի արքայանիստ քաղաք Իզիրտուն և բնակատեղի Սինիսինին հիշատակվում են ասորեստանյան թագավոր Սարգոն II-ի մ. թ. ա. 714 թ. դեպի Ուրարտու ձեռնարկած ավերիչ արշավանքի երթուղու սկզբնական հատվածում, Ուրմիա լճից հարավ<sup>28</sup>։ Հետևաբար, նրանց համադրությունները այժմյան Բերդիզորի և Սիմախի հետ, Բանեից հյուսիս-արևելք, և՛ տեղագրության, և՛ տեղանունների հնչյունական համապատասխանության տեսանկյունից, միանգամայն հավանական են թվում։

Այնուհետև, Աշշուրնասիրապալ II-ի տարեգրությունից հայտնի է, որ դեպի հյուսիս ձեռնարկած արշավանքներից մեկի ժամանակ, Կալխուից (այժմյան Նիմրուդից) դուրս գալուց և Տիգրիսն անցնելուց հետո ասորեստանցիները հասել են Կեպանի և այդ երկրի հարկը գանձել նրա խուղիրինա քաղաքում<sup>29</sup>։ Իսկ Թուկուլտի-Նինուրտա II-ի մոտ խուղիրինյան հիշատակվում է ոչ հեռու Նաթիրինայից<sup>30</sup>, որը մասնագիտական գրականության մեջ նույնացվում է անտիկ աղբյուրների Նիսիրեսի, հին հայկական Մծբինի և այժմյան Նուսայբինի հետ։ Մյուս կողմից, ուշագրավ է, որ քարտեզի վրա, Մարդինից հարավ-արևելք, նրա և Նուսայբինի միջև, ներկայիս Դարայի մոտ պահպանվել է նաև սեպագիր դարաշրջանի խուղիրինայի անունը։ Նվնելով բերված փաստերից, կարծում ենք, միանգամայն իրավացի է Նիկոդայոս Ադոնցը, երբ ասորեստանյան սեպագրերի Կեպանի երկրանվան մեջ տեսնում է հետագայի Հիսն-Քեյֆի (այժմյան Հասանքեյֆի) նախատիպը<sup>31</sup>, խուղիրինայից հյուսիս, Բոխտանի գետաբերանից մի փոքր արևմուտք, Արևմտյան Տիգրիսի աջ ափին։

Ն. Ադոնցի՝ Ուրարտուի տոպոնիմիկային վերաբերող արժեքավոր եզրահանգումներից, վերջապես, ուշադրության արժանի է ուրարտական սեպագրերի էրիկուախի և հետագայի Որկովի նույնացումը։

Հայտնի է, որ էրիկուախի երկրի մասին պատմում են Արարատի հյուսիսային փեշին, Արաքսի աջափնյա հատվածում, Դաշբուրուն գյուղի մոտ դրսևող Ցոլակների ավերակներում հայտնաբերված երկու սեպագիր արձանագրություններ<sup>32</sup>։ Դրանց շնորհիվ էլ էրիկուախի երկիրը մասնագիտական գրականության մեջ տեղադրվել է Արաքսի աջ ափին, Դաշբուրունի շրջանում և հարակից տարածքներում։

Ուստի բոլորովին պատահական չէ, որ բազմապատակ հայադետր ուրարտական սեպագրերի էրիկուախի (կարդա՝ էրիկվա) երկրանվան մեջ իրավամբ աեսել է V դարի հայ պատմիչ Ղազար Փարպեդու մոտ հիշատակված Մասեաց ոտն գավառի Որկովի գյուղի անունը<sup>33</sup>։ Ի դեպ այդ Որկովին այժմ էլ շարունակում է գոյատևել մասնական կից քարտեզներում Իզդիրից հարավ, Մեծ Արարատի հյուսիս-արևմտյան լանջին՝ Օրկոֆ անվան տակ։

\* \* \*

Հայաստանի պատմական աշխարհագրության փայլուն գիտակ Նիկոդայոս Ադոնցի ուրարտագիտական հետազոտություններում, իհարկե, պատ-

<sup>27</sup> N. Adontz. HA, p. 100—101.

<sup>28</sup> И. М. Дьяконов. АВИИУ, § 49 (6).

<sup>29</sup> E. A. Wallis Budge. L. W. King. Annals of the Kings of Assyria. Vol. I, London, 1902, p. 375 (II, 93—94).

<sup>30</sup> A. K. Grayson. Assyrian Royal Inscriptions. II, Wiesbaden, 1976, § 476.

<sup>31</sup> N. Adontz. HA, p. 63.

<sup>32</sup> Г. А. Мелникшвилл. УХН, 30, 31.

<sup>33</sup> N. Adontz. HA, p. 201.

շաճ տեղ է դրավում, առաջին հերթին, բուրարտա-հայկական տեղանունների ընդհանրությունների բացահայտումը: Սակայն դրանցով ամենևին էլ չեն սահմանափակվում սկզբագիր քաղաքակրթության ուսումնասիրությունը մատուցած նրա ակնառու ծառայությունները:

Պրոֆ. Աղոնցը զգալի ներդրում ունի նաև ուրարտական սեպագիր տեքստերի ճշգրիտ ընկալման, անձնանունների աներևակայելի սրամիտ մեկնարանության, հինարևելյան ժամանակագրության խճճված ծալքերում վարպետորեն խորամուխ լինելու, ուրարտական պանթեոնում դիցուհիներ և ոչ ուրարտական, ռոմեո աստվածներ, իսկ ուրարտակովկասյան լեզուների միջև սպասվող աղբյուրներ ակնկալելու և, վերջապես, ուրարտացիների ու հայերի միջև ծագումնաբանական տեսանկյունից հստակ տարբերակում տեսնելու ընդգնացումներում:

Այսպես, հայտնի է, որ մ. թ. ա. 714 թ. ղեպի Ուրարտու ձեռնարկած արշավանքի ժամանակ Մուսասիրի տաճարում Սարգոն II-ի կողոպտած հրաշալիքների մեջ հիշատակվում է նաև մի բրոնզե արձան, որի վրա մակարկած է եղել «Սարգուրի, Իշպուինի որդի»։ Լեհման-Հաուպտեր ենթադրել է, թե Իշպուինին երեխա Սարգուրի անունով որդի էլ է ունեցել (Մենուշիյ ռայի), որին նա կարգած պետք է լինել Մուսասիրի կառավարիչ։ Նրա այդ անսակետ հետադարձ ընդունել է տեղ. Բ. Բ. Պիոտրովսկին<sup>34</sup>:

Սակայն միանշանակ իրավացի է ն. Աղոնցը, երբ գտնում է, որ տվյալ ղեպում «Սարգուրի, Իշպուինի որդի»-ն պարզապես զրգրի անփութության արդասիր է՝ «Իշպուինի, Սարգուրի որդու» փոխարեն<sup>35</sup>: Ինքնին հասկանալի է, որ ուրարտական թագավոր Իշպուինին իսկապես եղել է Սարգուրի I-ի որդին, այն ղեպում, երբ «Սարգուրի» անվամբ ուրարտական շորս թագավորներին ոչ ոք «Իշպուինի» անունով հայր չի ունեցել:

Նիկողայոս Աղոնցի դրչին է պատկանում նաև Ռուսա I-ի կառավարման ժամանակի ճշգրտումը՝ նրա ավարտը, ինչպես հայտնի է, սովորաբար սխալմամբ համարվել է մ. թ. ա. 714 թ.: Ի դեպ, թուրիմացությունը տեղի է ունեցել Ռուսա I-ի ժամանակակցի՝ ասորեստանյան թագավոր Սարգոն II-ի արձանագրություններում տեղ գտած հակասական փաստերի պատճառով: Այսպես, Սարգոնի տարեգրության 8-րդ տարվա տվյալները և մի քանի այլ արձանագրություններ հայտնում են, թե մ. թ. ա. 714 թ. պարտությունից անմիջապես հետո Ռուսան, իբր, ինքնասպանություն է դրոժել<sup>36</sup>: Սակայն պրոֆեսոր Աղոնցը իրավացիորեն նկատել է, որ ասորեստանյան նույն թագավորի տարեգրության հաջորդ, 9-րդ տարվա, այսինքն՝ մ. թ. ա. 713 թ. իրադարձություններում Ռուսան, Տաբալի հետ դաշնակցած, ռազմական դրոժողություններ է վարում Սարգոնի դեմ անդրեփրատյան տարածքներում<sup>37</sup>: Աղոնցյան այդ ճշգրտումը ևս հետադարձ ընդունվել է դիտության մեջ<sup>38</sup>:

Մյուս կողմից, անկախ որոշ մասնակի վարանումներից, մեզ պարզապես փայլուն է թվում Լուսիպրի և Ունդիպրի մականունների աղոնցյան ստուգարանությունը: Այդ մասին նա գրում է. «Ռուսա I-ի Ունդիպրի մականունը հիշեցնում է Սարգուրի I-ի Լուսիպրի հայրանունը, եվ քանի որ uedi և lu lu ուրարտերեն բառերը նշանակում են «կին», իսկ ipri-ն ըստ երևույթին euri «տեր» բառի խորրիքներն հին ձևն է, ուստի Լուսիպրին և Ունդիպրին կնշանակեն՝ նա, որի տերը տիկինը՝ դիցուհին է, այլ կերպ

<sup>34</sup> Б. Б. Плотровский. Вавилонское царство (Урарту). М., 1959, с. 110.

<sup>35</sup> N. Adontz. HA, p. 192. Ն. Աղոնցի այդ մեկնարանությունը հետագայում ընդունել է նաև տոգերի հեղինակը, տե՛ս Бадильяни (Урарту). Ереван, 1970, с. 309, прим. 558.

<sup>36</sup> ABINUY, §§ 46 (129), 52, 53, 54 (72).

<sup>37</sup> N. Adontz. HA, p. 193.

<sup>38</sup> И. М. Дьяконов. ВДИ, 1956, № 2, с. 71 и прим. 2; И. В. Арутюнян. Бадильяни (Урарту), с. 310 и прим. 567.

ասած՝ դիցուհու հովանավորյալ: Դրանից ելնելով, Ն. Ադոնցը եզրահանգում է. «Եթե Ուեդդերին Ռուսայի մականունն է, կամ երկրորդ անունը, ապա կարելի է ընդունել, որ Լուսիպրին էլ Աբամեի մականունն է, հետևաբար, Սարգուրի I-ը Աբամեի որդին է»<sup>39</sup>:

Ադոնցյան հատկապես այս վերջին եզրահանգումը, այսինքն՝ հնարավոր է, որ Լուսիպրին եղած լինի Աբամեի մականունը, խիստ կարևոր նշանակություն ունի: Բանն այն է, որ Սարգուրի I-ի հալոր՝ Լուսիպրին ո՛չ որևէ արձանագրություն է թողել (թերևս որդու նման ակկադերեն լեզվով), ո՛չ էլ հիշատակվում է առերեսության սեպագրերում: Այդ դեպքում ճշգրտում կարող է մտցվել ուրարտական թագավորների ժամանակաշրջանի հաջորդականության մեջ, այսինքն՝ Աբամեի հենց նույն Լուսիպրին է, ուստի նա Սարգուրի I-ի հալորն է:

Պրոֆ. Ադոնցը իրավացի է նաև այն դեպքում, երբ ժամանակին դարձանքով է նկատել ուրարտական պանթեոնում ոչ ուրարտական, օտար աստվածների բացակայությունը: Զարմացել է, որ ուրարտական դիցաբանը մնացել է այնպիսին, ինչպիսին եղել է Իշպուինիի և Մինուայի օրոք, չի հարստացել նորամուտ աստվածներով: Նկատի ունենալով, որ Արդիշտի I-ը, Սարգուրի II-ը և Ռուսա I-ը հյուսիսում մեծ նվաճումներ են ձեռնարկել, Ն. Ադոնցըրը ակնկալել է նվաճված երկրների աստվածներ ևս տեսնել ուրարտական միջավայրում<sup>40</sup>:

Ն. Ադոնցի այդ կռահումը նորագյուտ արձանագրությունների փառերով հաստատվել է: Եթե նրա օրոք Ռուսա II-ի Զվարթնոցի արձանագրությունից հայտնի էր սոսկ օտար աստված Անիկուն, ապա հետագայում էրբբունիի և Թեյշեբաինիի պնդումներից հայտնարեովել են, Արդիշտի I-ի և Ռուսա II-ի նոր արձանագրություններ, որոնցում հիշատակվում են ոչ միայն նվաճված Վազա երկրի Իուառչան, այլև, որքան զարմանալի թվա, Բաբելոնյանների գեղադույն աստված Մարդուկը:

Իուառչան, Անիկուի հետ միասին, հավանաբար եղել է Վազա երկրի տեղաբնիկների պաշտամունքի առարկան: Նա հիշատակվում է մերթ տաճարի կառուցման առթիվ էրբբունիում, մերթ էլ պաշտամունքային արարողությունների կապակցությամբ Թեյշեբաինիի նորակառույց տաճարում: Պաշտամունքային օբյեկտի շինարարությունը Իուառչա տեղական աստծու պատվին կամ նրա հիշատակությունը ուրարտական դերագույն աստվածների նշակի՝ Խալդիի, Թեյշեբայի, Շիվինիի, ինչպես նաև Խալդիի կնոջ՝ Վարուրանիի կողքին, ուրարտական իշխողների հեռատես քաղաքականության արգասիք էր՝ ձևականորեն «հարգել» տեղաբնիկների սուրբներն իրավունքները, այդ թվում կրոնական հավատալիքները: Դա, բռնության հետ միասին, դույն էր տալիս ոչ միայն Վազա երկրին վերջնականապես տիրապետելու հանգամանքը, այլև նպատակ ունեւ հուսալի թիկունք սանդղծելու դնով հուժկու արշավանքներ ձեռնարկել Սեանա լճի ավազանի երկրները հպատակեցնելու համար<sup>41</sup>:

Ինչ վերաբերում է Մարդուկին, ապա նա Կարմիր-բլուրում 1962 թ. հայտնաբերված ծավալուն արձանագրության անեծքի բանաձևում հիշատակվում է ուրարտական գերագույն աստվածների՝ Խալդիի, Թեյշեբայի և Շիվինիի կողքին, ըստ որում Մարդուկը այստեղ գրավում է ճիշտ այն տեղը,

ուր սովորաբար հանդես է դալիս DINGIR<sup>MEŠ</sup> «աստվածներ» զաղափարագիրը, այսինքն՝ ոչ միայն ուրարտական դիցաբանի մյուս աստվածները (բացի գերագույն եռյակից), այլև թշնամի երկրների աստվածները: Մար-

<sup>39</sup> N. Adontz. HA. p. 191—192.

<sup>40</sup> Նշվ. աշխ., էջ 227.

<sup>41</sup> H. B. А р у т ю н я н. Новые урартские надписи. Ереван, 1966, с. 94.

դուրի հիշատակությունը կարմիր բլուրի արձանագրության մեջ, ըստ երեւոյթի, պետք է բացատրել Արարատյան դաշտավայրի Վաղա երկրում բաւական ընկալելիքի առկայությամբ:

Այդ դեպքում, բնականաբար, հարց է ծագում, թե ինչպե՞ս կարող էր բարեկյան բնակչությունը մուտք գործել այդպիսի հեռավոր հյուսիսային երկրի շաշտնի է, որ մ. թ. ա. 751 թ. ղեպի Բաբելոնի և հարևան երկրներ ձեռնարկված արշավանքի ժամանակ Արդիշտի I-ը վերցրել է մեծ քանակությամբ ռազմազիններ: Նույն երեք տասնամյակ հետո այդ նույն երկրներին մոտ 40 հազար ռազմազիններ է քշել Ուրարտու նաև Սարգուրի II-ը: Հետևաբար, բարեկյան բնակչությունը կարող էր հանդես գալ Վաղա երկրում՝ սկսած մ. թ. ա. 751 թ. մինչև 751—750 թթ.:

Երեկ Ուսա II-ը որոշակի վտանգ է զգացել բարեկյան վերաբնակիչների կողմից, այդ պատճառով անհրաժեշտ է դրել սպառնալ նրանց ոչ միայն ուրարտական առավաժների ամենակարող զերազույն եռյակի, այլև հենց իրենց հարազատ Մարդուկի անունից:

Նիկոդալոս Աղոնցին անհանգստացրել է նաև այն հանգամանքը, որ ուրարտական վավերագրերը չեն հիշատակում ոչ մի իզական աստվածություն: Դուրս գարնացրել է նրան մանավանդ այն պատճառով, որ խաղի աստվածը Սուսսիում ամուսին ուներ՝ Բաղբարաու անվամբ: Ն. Աղոնցին, բնականաբար, հետաքրքրել է այն հարցը, թե խաղին արդյո՞ք Ուրարտուում ևս ամուսին ուներ և ինչպե՞ս էր կոչվում նա<sup>42</sup>:

Պրոֆ. Աղոնցի այդ հարցադրումը ևս, բարեբախտաբար, անցած ավելի քան կեսդարյա ժամանակահատվածում անպատասխան չի մնացել: Պարզվել է, որ Ուրարտուում խաղի կնոջ անվանել են Վարուբանի: Հենց նրանից էլ սկսվում է Դիցուհիների շարքը, 15 անուններով, Մհերի դուստր պաշտամունքային արձանագրության մեջ: Վերջերս բացահայտվել է ուրարտերեն և լուրդի «դիցուհի» (հմմա. inaihi «աստված») բառը, որով կորագրվել է դիցուհիների հիշատակությունը ուրարտական պանթեոնում<sup>43</sup>:

Ն. Աղոնցի հանճարը փայլատակել է նաև այն դեպքում, երբ փաստական նյութի իսպառ բացահայտության պայմաններում համոզմունք է ունեցել ի վերջո ուսուսվող աղերսներ տեսնելու ուրարտերենի և կովկասյան լեզուների միջև<sup>44</sup>:

Եվ, իսկապես, պրոֆ. Աղոնցի հիշյալ մտահղացումից շուրջ չորս տասնամյակ հետո մասնագիտական զրականության մեջ, ինչպես ասում են, երևաց առաջին ծիծեռնակը: Պրոֆ. Ի. Մ. Դյակոնովը հրատարակեց «Խուրի-ուրարտերեն և արևելակովկասյան լեզուները» արժեքավոր հետազոտությունը, որ բերվում էին թվով 52 բառապաշարային, ինչպես նաև մի շարք ձևաբանական ընդհանրություններ<sup>45</sup>, իսկ ուղիղ մեկ տասնամյակ հետո այդ նույն հեղինակը և Մ. Ա. Սաարոստինը միասին հրատարակեցին շատ ավելի ծավալուն ու հիմնավոր հոդված, որում բացահայտված էին Խուրի-ուրարտերենի և արևելակովկասյան լեզուների թվով 168 բառապաշարային, ինչպես նաև հնչյունական ու ձևաբանական բազում ընդհանրություններ<sup>46</sup>:

Ըստ ամենայնի իրավացի է եղել Ն. Աղոնցը նաև այն դեպքում, երբ կասկածի տակ է առել զիտության մեջ արմատացած կարծիքը՝ մ. թ. ա.

<sup>42</sup> Նույն աղում, էջ 96—97:

<sup>43</sup> N. Adontz. HA, p. 227.

<sup>44</sup> И. В. Арутюнян. К чтению и интерпретации урартской культовой надписи «Мхери дур». — Мировая культура. Традиции и современность, М., 1991, с. 127.

<sup>45</sup> N. Adontz. HA, p. 259.

<sup>46</sup> Древний Восток, 3, Ереван, 1978, с. 25—38.

<sup>47</sup> Древний Восток. Этнокультурные связи, М., 1988, с. 164—207.

585 թ. Ուրարտուի կործանման ժամանակի վերաբերյալ: Այդ մասին նա գրել է. «Մ. թ. ա. 521 թ. հայերն արդեն երկրի տերն էին և զենքի ու ժողով այն պաշտպանում էին Պարսից թագավոր Դարեհից: Ուստի մ. թ. ա. 535 և 521 թթ. միջև ընկած ժամանակը բավական չէր այդպիսի արմատական հեղաշրջման համար: Արժեք Ուրարտուի կործանման թվականը ետ տանել մ. թ. ա. 616 թ. (երբ սկսվում է պայքարն Ասորեստանի դեմ) և 585 թ. միջև, որը Միդիայի և Լիդիայի միջև ծագած հնգամյա պատերազմի ավարտըն էր»:

Պրոֆ. Ադոնցը նկատել է, որ հիշյալ ժամանակահատվածում Ուրարտուն չի երևում քաղաքական ասպարեզում առաջնակարգ դեր խաղացող այնպիսի խոշոր պետությունների շարքում, ինչպիսիք էին՝ Միդիան, Բաբելոնիան, Եգիպտոսը և Լիդիան: «Եթե Ուրարտական երբեմնի հզոր պետությունը,—շարունակում է նա,—դեռևս կանգուն լիներ, ապա նա, անշուշտ, իր դիրքը կդրսևորեր հակառակորդ այն ճամբարների միջև, որոնք մրցում էին մահացող Ասորեստանին տիրելու համար»:

Ճակատագրական այդ պահին, Ն. Ադոնցի կարծիքով, Ուրարտուն արդեն պետք է կործանված լիներ<sup>48</sup>, եվ պատահական չէ, որ համարյա մեկ տասնամյակ հետո, այլ կարգի փաստերի հիման վրա, մոտավորապես նույն կարծիքին է հանգում նաև ականավոր արևելագետ Ի. Մ. Դյակոնովը: Նա նկատել է, որ Ուրարտուի վերջին երկու տասնամյակների պատմության ուսումնասիրության համար յուրահատուկ նշանակություն ունեն «Բաբելոնյան ժամանակագրության» տրվյալները: Դրանք հաղորդում են նարոպալասարի թագավորության 17-րդ տարում (մ. թ. ա. 609 թ.) Ուրարտուի դեմ ձեռնարկված մեղական (մարական) արշավանքի մասին: Հենց այդ ժամանակվանից էլ, Ի. Մ. Դյակոնովի կարծիքով, Ուրարտուն պետք է ընկած լինի Մեդիայի ազդեցության ոլորտի մեջ:

Մյուս կողմից, Հերոդոտի պատմության համաձայն, մ. թ. ա. 585 թ. Մեդիայի և Լիդիայի սահմանը Փոքր Ասիայում անցնում էր Հալիս գետով: Ուրեմն, այդ ժամանակ Ուրարտուն արդեն պետք է եղած լինի Մեդիայի կազմում: Ինքնին հասկանալի է, որ Մեդիան հազիվ թե Փոքր Ասիայում պատերազմ սկսեր Լիդիայի դեմ՝ իր թիկունքում Ուրարտական պետության գոյատևման պայմաններում: Հետևաբար, Ուրարտուի անկախության վերջին մնացուկների լիկվիդացումը, եզրակացնում է Ի. Մ. Դյակոնովը, պետք է վերագրել Մեդիայի և Լիդիայի միջև մղված պատերազմի ոչ թե ավարտին (մ. թ. ա. 585 թ.), այլ սկզբին (մ. թ. ա. 590 թ.)<sup>49</sup>:

Այսպիսով, հիշյալ փաստերը վկայում են, որ Ուրարտական պետության կործանման ժամանակի վերաբերյալ Ն. Ադոնցը միանգամայն ճիշտ եզրակացության է հանգել:

Վերջում գոհունակությամբ պետք է նշենք, որ Ն. Ադոնցը ծագումնաբանական տեսանկյունից իրավամբ հստակ տարբերակում է տեսել ուրարտացիների և հայերի միջև<sup>50</sup>, մի հանգամանք, որ սկզբունքային նշանակու-

<sup>48</sup> N. Adontz. HA, p. 331.

<sup>49</sup> И. М. Дьяконов. Последние годы Урартского государства по ассирийско-вавилонским источникам.—Вестник древней истории, М., 1951, № 2, с. 31—34.

<sup>50</sup> N. Adontz. HA, p. 376—377.

թյուն ունի հինարևելյան Ուրարտու պետության, ինչպես նաև հայ ժողովրդի պատմության անթերի ուսումնասիրության համար:

Մ. Բ. ա. VJ դարի սկզբին բաղադրված արենայից հեռացած Ուրարտուի մասին Ն. Ադոնցը խորին փաստասերով ու երախտագիտությամբ գրել է. «Մարեց բաղարակրթության մի օջախ, որը երեք դար շարունակ փայլել էր Հայաստանի բարձունքներում: Նա առաջինը միավորեց երկիրը, բազմաթիվ ցիրուցան ցեղեր համախմբեց մի բաղադրված ու մշակութային կյանքի շրջանակներում: Նա ուրիշ արժանիք էլ ունեցավ. նրա անընդհատ պայքարը Ասորեստանի դեմ իսպիտենց սևամական տարրի ներխուժումը Հայաստան լեռնաշխարհի և Փոքր Ասիայի Պայքարել Ասորեստանի վայրագությունների ու մոլեղին կրքերի դեմ, փակել նրա ճանապարհը դեպի նաիրյան երկրներ, դա մի աղնիվ ատնաբևեռություն էր,—և դրահանգում է Ադոնցը,—որ Ուրարտուն պատվով կատարեց, այդպիսով, նշանակալի ծառայություն մատուցելով բաղարակրթությանն ու մարդկությանը»<sup>51</sup>:

Նիկողայոս Ադոնցի՝ ուրարտագիտությանը մատուցած խոշոր ներդրումը արժանիքավոր փաստերով ամենեին չի սահմանափակվում: Դա, անշուշտ, կարող է դառնալ հատուկ ուսումնասիրության առարկա: Ի դեպ, առաջին հայացքից մասնակի թվացող այդ նորությունները անվանի հայագետի տասնյակ աւարիների անխոնջ աշխատանքի արդյունք են: Դրանք խնամքով հշդկրված այն սրբատաշ անկյունարարներն են, որոնցով հպարտորեն վեր է խոյացել ուրարտագիտության հույակապ շենքը:

## НИКОЛАЙ АДОНИЦ И УРАРТОВЕДЕНИЕ

Доктор ист. наук Н. В. АДОНЦ

### Р е з ю м е

В последний период жизни выдающийся армянин и крупный востоковед Николай Адонц занимался также исследованием истории Урарту, результаты которого были изданы посмертно в Париже в капитальном труде *Histoire d'Arménie*. В упомянутой работе были затронуты в основном вопросы военно-политической истории, на фоне которых уделено особое внимание изучению топонимики. Представляет, например, значительный интерес отождествление Килиссы, Иззеды и Сардаурри клинописных источников с современными Килиш, Аздином и Сардаре в казе Сильван. То же следует сказать о поселении Биена клинописцев, которое он считает прототипом совр. Биши к юго-западу от оз. Ван, в районе Сгерда. Вполне убедительны также отождествления поселений Ашшурпикини клинописного периода с Кишом «Ашхарануйпа» западнее оз. Ван, в районе совр. Хульп-Кульп-Пасура, Сугуини с совр. Сиканисом и Сукапом в районе Большого Агбака, Харды с совр. Харберд-Харпутом у нижнего течения Арацани, Перу проф. Н. Адонца принадлежит, с другой стороны, сопоставление ряда городов-крепостей страны Мелитса (совр. Малатия у верхнего Еуфрата) клинописных источников с соответствующими данными античных и древнеармянских источников—Тумешки с античн. Томисой и древнеарм. Тминсом, Гаураху с античн. Калма Гаринесом и древнеарм. Гавреком, Кариниш с Корне Певгингерской карты.

Вполне убедительны также отождествления Тумурру ассирийской клинописи с Тмурриком в бассейне Восточного Хабур, Гилзана с Куричаном в долине Наздучая, у западных берегов оз. Урмия, Изирту с Бердизором и Синихини с Симмахом южнее того же озера, к северо-востоку от Бабэ, Кепани с сопр. Хасан-Кейфом несколько к западу от устья реки Бохтан, на правом берегу Западного Тигра. Эрчкуахи урартской клинописи с древнеарм. Воркопи (совр. Оркоф) на северо-западном склоне Большого Арарата. Однако вопросы топонимии отнюдь не ограничиваются заслуги проф. Адонца в области изучения клинописной цивилизации. Значителен его вклад также в интерпретации текстов урартских надписей и собственных имен, уточнении вопросов хронологии, установлении строгого разграничения по происхождению между урартами и армянами. Так, перу проф. Адонца принадлежит уточнение ошибочности клинописного текста «Сардурни, сын Ишпуниш» на одной из бронзовых статуй Мусасирского храма вместо правильного «Ишпуниш, сын Сардурни». Затем, им же установлена точная дата конца правления Русы 1—713 г. до н. э. (вместо ошибочного 714 г. до н. э.). Представляет определенный интерес также интерпретация собственных имен Лутипри и Уедипри. При накоплении и дальнейшем изучении фактического материала в настоящее время уже подтвердились также высказанные ранее гипотезы проф. Адонца об уточнении времени гибели Урартского государства, возможность наличия урартских божеств и неурартских—иноземных божеств в урартском пантеоне, общностей между хуррито-урартскими и кавказскими языками.